

**ACTA DA SESIÓN EXTRAORDINARIA DA XUNTA DE GOBERNO LOCAL
REALIZADA O DÍA 19 DE DECEMBRO DO 2013.**

=====

No Concello de Cangas, cando son as catorce horas e cinco minutos do día dezanove de decembro do dous mil trece, previa convocatoria, reúnense os/as seguintes concelleiros/as: D. Rafael Soliño Costas, D. Pío Millán Blanco e D^a M^a Lucía Lede Fernández, SUPLENTES: D. Jesús Manuel Graña Graña e D. Francisco Javier Soliño Soliño, baixo a presidencia do Sr. alcalde, Jose Enrique Sotelo Villar, asistidos por min a secretaria xeral, D^a Berta Alonso Soto e a interventora, D^a M^a Jesús Piñeiro Bello, coa finalidade de realizar sesión extraordinaria da Xunta de Goberno Local, convocada para o día de hoxe, en primeira convocatoria.

Non asisten á sesión os/as concelleiros/as, D^a Berta Pérez Hernández, D. Bernardino Faro Lagoa, D. José Luis Gestido Porto e D^a Dolores Gallego Santos.

Pola presidencia declarouse aberta a sesión, pasándose a tratar os seguintes puntos da orde do día:

1º.- DAR CONTA DA SINATURA DO CONVENIO DE COOPERACIÓN ENTRE A SECRETARÍA XERAL PARA O DEPORTE DA XUNTA DE GALICIA E O CONCELLO DE CANGAS, PARA O REMATE DA CONSTRUCCIÓN DE UNHA PISCINA CUBERTA E CLIMATIZADA.

Examinado o convenio asinado en data 18.12.13 entre a Secretaría Xeral para o Deporte da Xunta de Galicia e o Concello de Cangas, para o remate da construción de unha piscina cuberta e climatizada, que se transcribe de seguido:

"CONVENIO DE COOPERACIÓN ENTRE A SECRETARÍA XERAL PARA O DEPORTE DA XUNTA DE GALICIA E O CONCELLO DE CANGAS (PONTEVEDRA) PARA O REMATE DA CONSTRUCCIÓN DE UNHA PISCINA CUBERTA E CLIMATIZADA.

En Cangas, 18 decembro 2013

REUNIDOS:

O Sr. D. José Ramón Lete Lasa, secretario xeral para o Deporte da Xunta de Galicia, en uso das competencias desconcentradas nos secretarios xerais dependentes da Presidencia, en virtude da Disposición Adicional Segunda do Decreto 88/2013, do 30 de maio, de estrutura orgánica dos órganos superiores ntes da Presidencia da Xunta de Galicia.

O Sr. José Enrique Sotelo Villar, alcalde do Concello de Cangas (Pontevedra), ao abeiro do disposto no artigo 21.1.b), da Lei 7/85, do 2 abril, reguladora da

Bases do Local, e no artigo 61.1.a), da Lei 5/1997, de 22 de xullo, de administración local de Galicia,

Actuando ambos coas facultades que os seus respectivos cargos e habilitacións lles confiren,

EXPOÑEN:

I.- A Lei orgánica 1/1981, do 6 de abril, do Estatuto de Autonomía de Galicia, no seu artigo 27.22, sinala a competencia da Comunidade Autónoma de Galicia en materia de promoción do Deporte.

O Decreto 88/2013, do 30 de maio, polo que se fixa a estrutura orgánica dos órganos superiores dependentes da Presidencia da Xunta de Galicia, atribúe á Secretaría Xeral para o Deporte as competencias da comunidade autónoma en materia de deportes.

A Lei 7/1985, do 2 de abril, reguladora das bases de réxime local, dispón que os concellos exercerán, en todo caso, competencias, nos termos da lexislación do estado e das comunidades autónomas, entre outras, nas seguintes materias: actividades ou instalacións deportivas (art.25.2.m).

No marco da lexislación básica do estado, a Lei 5/1997, do 22 de xullo, de administración local de Galicia, establece que os concellos exercerán, entre outras, competencias en materia de actividades e instalacións culturais e deportivas (art. 80.2.h), e poderán realizar coa Xunta de Galicia convenios de cooperación para unha xestión máis eficaz das súas competencias (art. 198).

A Lei 3/2012, do 2 de abril, do deporte de Galicia, contempla no seu artigo 8 a posibilidade de colaboración da administración deportiva autonómica coas administracións locais.

II. As administracións públicas asinantes deste convenio son conscientes de que o incremento e mellora das condicións que esixe a práctica deportiva reclama unha mellor dotación de infraestruturas, de forma que permitan dar satisfacción á crecente demanda social existente na materia.

A Secretaría Xeral para o Deporte, no exercicio das súas competencias e funcións, ten previsto na súa planificación de mellora das infraestruturas e dos equipamentos deportivos da Comunidade Autónoma de Galicia, actuacións que permitan a construción ou mellora de instalacións deportivas básicas ou daquelas que presenten un maior interese deportivo. É de interese da Secretaría Xeral da Xunta de Galicia, a colaboración coas administracións locais para o fomento do deporte no ámbito municipal.

Coa finalidade de contribuír a unha mellor dotación das infraestruturas que permitirá dar satisfacción ás crecentes demandas sociais no ámbito da práctica deportiva asinouse, con data 26 de marzo de 2009, un convenio de

cooperación entre a Xunta de Galicia, a través da entón Consellería de Cultura e Deportes e o Concello de Cangas (Pontevedra) para a finalización da construción de unha piscina cuberta e climatizada.

Como consecuencia das incidencias xurdidas na tramitación do proxecto levado a cabo para a execución da obra, produciuse un retraso importante no desenvolvemento das obras, como consecuencia do cal faise imprescindible a modificación do proxecto inicial para incluír neste as necesarias obras de adaptación e mellora técnica.

A necesidade de levar a cabo esta actuación, ven determinada pola importancia estratéxica deste concello para a promoción do deporte en toda a comarca que comprende, sendo unha actuación imprescindible para poder utilizar unha instalación que non pode ser utilizada como consecuencia das deficiencias que presenta na actualidade. Desta circunstancia derívanse as razóns que acreditan o interese público da actuación, e xustifican a dificultade da súa convocatoria pública, de acordo co disposto no artigo 26.2 da Lei 9/2007 de subvencións de Galicia, atendendo tamén ao establecido no Decreto 193/2011, de 6 de outubro, polo que se regulan especialidades nas subvencións ás entidades locais galegas

Por todo o anterior, a Xunta de Galicia, por medio da Secretaría Xeral para o Deporte, e o Concello de Cangas (Pontevedra), deciden subscribir este convenio que se suxeitará ás seguintes,

CLÁUSULAS:

Primeira.- OBXECTO DO CONVENIO

É obxecto deste convenio establecer as bases de colaboración entre a Xunta de Galicia, a través da Secretaría Xeral para o Deporte, e o Concello de Cangas (Pontevedra) para o remate da construción de unha piscina cuberta e climatizada no Concello de Cangas, segundo o recollido no proxecto de obras redactado polo arquitecto Alfonso Penela Fernández, titulado "Proxecto modificado do proxecto de execución de piscina cuberta municipal de Cangas", que deberá ser aprobalo por esta Secretaría Xeral para o Deporte.

Segunda.- COFINANCIAMENTO DAS ACTUACIÓNS.

O importe total das actuacións a realizar ao abeiro deste convenio ascende á de UN MILLÓN DE EUROS (1.000.000.00), IVE incluído.

A Secretaría Xeral para o Deporte subvencionará ditas actuacións achegando ao Concello de Cangas (Pontevedra) a cantidade de SETECENTOS CINCUENTA MIL EUROS (750.000,00 €), con cargo á aplicación orzamentaria 04.40.441A.760.0 (código de proxecto 2013 000 39) dos seus orzamentos de gastos para os exercicios 2013, 2014 e 2015, co fin de posibilitar a contratación da obra á que se refire o presente convenio, de acordo coas seguintes cantidades:

| | |
|--------------|-----------|
| Anualidade | 2013..... |
| 40.000,00 € | |
| Anualidade | 2014..... |
| 350.000,00 € | |
| Anualidade | 2015..... |
| 360.000,00 € | |
| Total..... | |
| 750.000,00 € | |

Pola súa banda, o Concello de Cangas achegará con cargo aos seus créditos orzamentarios a cantidade de DOUSCENTOS CINCUENTA MIL EUROS (250.000,00 €) que se imputarán ás anualidades 2013 e 2014 co seguinte desglose:

| | |
|--------------|-----------|
| Anualidade | 2013..... |
| 150.000,00 € | |
| Anualidade | 2014..... |
| 100.000,00 € | |
| Total..... | |
| 250.000,00 € | |

Terceira.- OBRIGAS DO CONCELLO DE CANGAS

1.- As obras serán realizadas polo contratista que fora seleccionado polo Concello de Cangas, dando conta á Secretaría Xeral para o Deporte da elección, así como de calquera modificación do proxecto, prórrogas de prazos establecidos na adxudicación ou alteracións de calquera outros elementos básicos que configuren as actuacións.

En todo os casos de contratación con terceiros, o Concello de Cangas actuará con suxeición, tanto na tramitación do procedemento de contratación, como na execución do contrato administrativo, ao establecido no Real decreto legislativo 3/2011, do 14 de novembro, polo que se aproba o texto refundido da Lei de contratos do sector público, atendendo tamén ao preceptuado no artigo 12 do Decreto 193/2011, do 6 de outubro.

2.- Son obrigas do beneficiario as sinaladas nos artigos 14 e 37 da Lei 38/2003, do 17 de novembro, xeral de subvencións e nos artigos 11 e 33 da Lei 9/2007, do 13 de xuño, de subvencións de Galicia, e sinaladamente as seguintes:

a) o Concello de Cangas quedará obrigado a asumir ao seu cargo os aumentos que se produzan, no caso de que o custo das obras ou equipamentos resulte superior á prevista no orzamento, ou ben se deriven de revisión dos prezos adicionais, prórrogas e outros supostos.

b) Redactar e remitir o proxecto ou documento técnico e as súas especificacións, que deberán contar coa autorización e aprobación da Secretaría Xeral para o Deporte antes da sinatura do presente convenio.

c) As licenzas, autorizacións administrativas, contratación de servizos e subministracións, así como, os impostos e taxas de aplicación aos pagos dos conceptos incluídos e previstos na execución do proxecto, serán por conta do Concello de Cangas.

d) O Concello de Cangas, quedará obrigado a facilitar toda a información que lle sexa requirida pola Intervención Xeral da Comunidade Autónoma, polo Tribunal de Contas e polo Consello de Contas, no exercicio das súas funcións de fiscalización e control do destino das subvencións.

e) Deberá destinar os bens adquiridos ou sobre os que se realicen as obras ao fin concreto para o que se lle concedeu a subvención, de acordo coa cláusula undécima, por período no inferior a cinco anos, ao tratarse de bens inscribibles nun rexistro público.

O incumprimento da obriga de destino referida no parágrafo anterior será causa de reintegro nos termos establecidos ao efecto no artigo 37 da Lei 38/2007, do 7 de novembro, xeral de Subvencións, e no artigo 33 da Lei 9/2007, do 13 de xuño, de subvencións de Galicia, quedando o ben afecto ao pago do reintegro calquera que sexa o seu posuidor, salvo que resulte ser un terceiro protexido nos termos legalmente previstos.

f) No caso de que o beneficiario incumprise o establecido neste convenio, a Secretaría Xeral para o Deporte, poderá revogar a subvención concedida logo da audiencia do interesado.

Quinta.- BAIXAS DE ADXUDICACIÓN E INCIDENCIAS NA EXECUCIÓN

As achegas económicas comprometidas, veranse diminuídas en igual proporción que a que resulte de imputar as baixas que se obteñan nas respectivas adxudicacións. As baixas aplicaranse dende o primeiro momento, axustando a cantidade resultante a subvencionar.

Sexta.- XUSTIFICACIÓN E PAGAMENTO DAS AXUDAS

De acordo co artigo 28.5 da Lei 9/2007, do 13 de xuño de subvencións de Galicia, e co artigo 8 do Decreto 193/2011 do 6 de outubro, o Concello de Cangas estará obrigado a xustificar o cumprimento da finalidade da subvención, á realización da actividade e o seu custo real mediante a presentación cunha conta xustificativa integrada con carácter xeral pola documentación que se relaciona no artigo 10 do Decreto 193/2011. do 6 de outubro, e que incorporará en todo caso a certificación da intervención o do órgano de teña atribuídas as facultades de control da toma de razón en contabilidade e do cumprimento da finalidade para a que foi concedida.

En todo caso, na xustificación deberá acreditarse o importe, procedencia e aplicación dos fondos propios, así como doutras subvencións ou recursos á actuación subvencionada.

O prazo para presentar esta xustificación será no 2013 antes do 26 de decembro, no 2014 antes do 1 de outubro dese ano e no 2015 antes do 20 de xaneiro dese ano. Os pagos efectuaranse unha vez examinada e conformada a xustificación presentada polo concello.

Poderán efectuarse pagos fraccionados os que responderán ao ritmo de execución das accións subvencionadas, e aboaranse por contía equivalente á xustificación presentada ata unha porcentaxe que (de acordo co artigo 62 do Decreto 11/2009, do 8 de xaneiro, polo que se aproba o regulamento da Lei 9/2007, do 13 de xuño, de subvencións de Galicia) non poderá ser superior ao 80% da porcentaxe subvencionada correspondente aos pagamentos xustificadas, nin excederá a anualidade prevista en cada exercicio orzamentario.

O 20% restante aboarase unha vez finalizada e recibida a obra obxecto da subvención.

Sétima.- CONCORRENCIA CON OUTRAS AXUDAS

As axudas contempladas neste convenio son compatibles con outras que poida acadar o concello, sempre que a suma de toda elas non supere o investimento total real.

Antes do primeiro pagamento, o concello achegará unha declaración do conxunto de todas as solicitudes de subvención efectuadas, ou concedidas, para as obras obxecto deste convenio, perante das administracións públicas competentes ou doutros entes públicos.

No momento da xustificación da execución total do proxecto e, en calquera caso, antes do derradeiro pagamento, o Concello de Cangas presentará unha declaración complementaria do conxunto das axudas solicitadas, tanto as aprobadas ou concedidas como das pendentes da resolución, para este proxecto, das distintas administracións públicas competentes ou das súas entidades vinculadas ou dependentes.

Oitava.- PUBLICIDADE DAS OBRAS

No exterior da instalación ou do recinto, o Concello de Cangas fixará un cartel informativo da natureza das obras obxecto de execución, coa indicación expresa das administracións públicas que colaboran no seu financiamento.

O tratamento tipográfico identificativo de ámbalas dúas entidades e dos seus logotipos ou anagramas será idéntico.

Novena.- REXISTROS PÚBLICOS DE AXUDAS

De acordo co establecido na disposición adicional primeira do Decreto 132/2006, do 27 de xullo, polo que se regulan os rexistros públicos de axudas, subvencións e convenios e de sancións administrativas da Xunta de Galicia, o concello consinte expresamente a inclusión e publicidade dos datos relevantes referidos á subvención obxecto deste convenio nos rexistros públicos citados creados polos artigos 44 e 45 da Lei 7/2005, do 29 de decembro.

Décima.- COMPROBACIÓN E RECEPCIÓN DAS OBRAS

A Secretaría Xeral para o Deporte, poderá efectuar cantas comprobacións estime oportunas, con carácter previo á realización da proposta de calquera dos pagamentos parciais ou do final, incluíndo a comprobación da execución material do investimento que poderá realizar a través dun funcionario da Secretaría Xeral para o Deporte ou da persoa que designe.

A recepción das obras farase polo Concello de Cangas, quen dará conta dela á Secretaría Xeral para o Deporte.

Undécima: XESTIÓN, MANTEMENTO E CONSERVACIÓN DAS INSTALACIÓNS

A xestión, mantemento e conservación da instalación deportiva, que terá como destino un uso ou servizo público de carácter deportivo, será responsabilidade exclusiva do concello, e serán de conta deste a totalidade dos gastos que xere. A asunción de tal responsabilidade producirase desde o día seguinte ao de realización da acta de recepción das obras, logo da oportuna comunicación da Secretaría Xeral para o Deporte.

Esta circunstancia non obviará a responsabilidade que á sociedade adjudicataria lle corresponda na policía e conservación das obras ata a recepción definitiva pola administración contratante.

t

O Concello garante o uso gratuíto da instalación cando se precise para posibilitar a realización de competicións deportivas oficiais organizadas ou promovidas pola Secretaría Xeral para o Deporte.

Así mesmo, comprométese a favorecer e facilitar a realización de competicións deportivas de carácter oficial promovidas polas distintas federacións deportivas de Galicia. No caso de conflito ou discrepancia, a administración contratante da instalación, por solicitude dalgunha das partes, poderá actuar como árbitro.

No suposto de que a xestión sexa encomendada a terceiros as obrigas anteriores deberán constar como carga no correspondente prego de bases.

Duodécima.- VIXENCIADO E DENUNCIA DO CONVENIO

O período de vixencia do convenio comezará ao día seguinte da súa sinatura e estenderase ata o 31 de decembro do ano 2015, sen prexuízo da posibilidade de prorrogar dito período en virtude de causa debidamente xustificada.

A denuncia, que requirirá o acordo previo do órgano competente da administración que a pretenda, producirá efectos aos noventa (90) días da súa presentación diante da comisión á que se refire a cláusula decimoterceira, logo da liquidación das obrigas pendentes de cumprir pola parte que a formule.

Décimo terceira: COMISIÓN DE SEGUIMIENTO E INTERPRETACIÓN

Para o seguimento e control do cumprimento deste convenio, e para a solución das dúbidas que a súa interpretación poida motivar, créase unha comisión integrada por dous representantes de cada unha das institucións asinantes.

Na comisión de seguimento e control informarase sobre os acordos de modificacións ou variacións que poidan producirse na execución do proxecto para a súa aprobación, conforme as limitacións da normativa vixente que sexa de aplicación. Cando estas impliquen modificación do orzamento, a administración da Xunta de Galicia non asumirá compromisos económicos que impliquen incrementar a contía das anualidades establecidas na cláusula segunda.

En calquera caso, todas aquelas cuestións que se susciten en relación co outorgamento, cumprimento, xustificación e pagamento, así como o reintegro e determinación das posibles responsabilidades relativas á subvención concedida, serán resoltas polo secretario xeral para o Deporte.

Décimo cuarta.- LEXISLACIÓN DE APLICACIÓN, NATUREZA DO CONVENIO E XURISDICIÓN COMPETENTE

O réxime xurídico deste convenio vén determinado polo establecido no mesmo, na Lei 9/2007, do 13 de xuño, de subvencións de Galicia e na Lei 38/2003, do 17 de novembro, xeral de subvencións, o Decreto 11/2009 de 8 de xaneiro, polo que se aproba o regulamento que desenvolve a Lei 9/2007, do 13 de xuño, de subvencións de Galicia, e o Decreto 193/2011, do 6 de outubro, polo que se regulan especialidades nas subvencións ás entidades locais galegas, e demais normativa que sexa de aplicación.

Este convenio é de natureza administrativa e, consecuentemente, as cuestións litixiosas que xurdan na súa aplicación, interpretación e cumprimento serán competencia da xurisdición contencioso-administrativa.

Baixo os termos referidos e en proba de conformidade, asíñase este convenio de cooperación en triplicado exemplar no lugar e data indicados.

*O secretario Xeral para o Deporte
Cangas*

O alcalde do Concello de

*José Ramón Lete Lasa
Villar."*

José Enrique Sotelo

A Xunta de Goberno Local, por unanimidade dos seus membros presentes, por delegación realizada en Resolución da Alcaldía do 16.6.11, acorda:

PRIMEIRO.- Tomar coñecemento do convenio asinado entre a Secretaría Xeral para o Deporte da Xunta de Galicia e o Concello de Cangas, para o remate da construción de unha piscina cuberta e climatizada, transcrito anteriormente.

SEGUNDO.- Dar traslado de copia do convenio de referencia ós departamentos de Tesourería e Intervención.

2º.- PROPOSTA DA ALCALDÍA S/APROBACIÓN DE MODIFICACIÓN DO CONTRATO DE "REDACCIÓN DE PROXECTO E EXECUCIÓN DA OBRA: PISCINA CUBERTA MUNICIPAL DE CANGAS".

Visto que por acordo da Xunta de Goberno Local de data 16 de decembro de 2013, iniciouse o correspondente expediente de modificación do contrato e "Redacción do proxecto e execución da obra piscina cuberta municipal de Cangas" adxudicado por resolución de Alcaldía de data 26.12.05 á UTE PISCINA CUBIERTA DE CANGAS, por importe de 1.780.114,90 €, IVE do 16% incluído, sendo a contía da modificación de 490.524,63 euros, incluído o 21% de IVE.

Visto e coñecido o contido do informe desfavorable de Secretaría e Intervención, de data 19 de decembro de 2013, con reparo suspensivo.

Notificado o contratista, con data 18 de decembro de 2013, Celso M. Piñeiro Malvar, en representación da UTE PISCINA CUBIERTA DE CANGAS, manifesta a súa conformidade e aceptación da proposta de modificación do contrato de "Redacción do proxecto e execución da obra piscina cuberta municipal de Cangas" e presenta o reaxuste da garantía correspondente ao 4% do importe da modificación, IVE incluído

Visto que en data 18 de decembro de 2013 formalizouse o convenio de cooperación entre a Secretaría Xeral para o Deporte e o Concello de Cangas, sendo o seu obxecto o remate da construción dunha piscina cuberta e climatizada, segundo o recollido no proxecto de obras redactado polo arquitecto, Alfonso Penela Fernández, titulado "Proxecto modificado do proxecto de execución da piscina cuberta municipal de Cangas".

Visto o decreto de Alcaldía de levantamento de reparo suspensivo de data 18 de decembro de 2013.

Examinada a documentación que achega ao expediente e de conformidade co establecido no Real decreto legislativo 2/2000, do 16 de xuño, polo que se aproba o Texto refundido da Lei de contratos para as administracións públicas e visto o acordo plenario de data 29.06.11, polo que se delegan na Xunta de Goberno Local as contratacións e concesións de toda clase cando sexa competente o Pleno.

A Xunta de Goberno Local, por unanimidade dos seus membros presentes, por delegación realizada en Resolución da Alcaldía do 16.6.11, acorda:

PRIMEIRO.- Aprobar o expediente de modificación do contrato de "Redacción do proxecto e execución da obra piscina cuberta municipal de Cangas" adxudicado por resolución de Alcaldía de data 26.12.05, á UTE PISCINA CUBIERTA DE CANGAS, sendo a contía da modificación de CATROCENTOS NOVENTA MIL CINCOCENTOS VINTE E CATRO EUROS CON SESENTA E TRES CÉNTIMOS (490.524,63 €), incluído o 21% de IVE.

SEGUNDO.- Autorizar e dispoñer o gasto con cargo á partida 432/227.06 do vixente orzamento xeral, xa que existe consignación suficiente no orzamento do concello do presente exercicio para autorizar o gasto correspondente.

TERCEIRO.- Notificar ao contratista o presente acordo e citalo para a sinatura do contrato.

CUARTO.- Dar conta do presente acordo á Comisión Informativa Única na primeira sesión que realice, de conformidade co disposto no artigo 126 do R.d. 2568/1986, do 28 de novembro.

QUINTO.- Facultar ao Sr. alcalde para que subscriba os documentos que sexan necesarios en orde á execución dos precedentes acordos.

ROGOS E PREGUNTAS.

Non se formularon.

E non tendo máis asuntos de que tratar, rematou a sesión cando son as catorce horas e vinte e cinco minutos do mesmo día, do que eu, secretaria, dou fe.